

UMSKAL tuan rumah Integrated Leadership Excellence Acceleration Programme 2018

NST 3.9.2018 5

LABUAN: Universiti Malaysia Sabah Kampus Antarabangsa Labuan (UMSKAL) buat julung kalinya menjadi tuan rumah Integrated Leadership Excellence Acceleration Programme (iLEAP) peringkat Universiti Malaysia Sabah (UMS) Siri ke-7. 2018.

Seramai 58 pegawai kanan UMS menghadiri iLEAP yang diadakan selama tiga hari di Student Learning Centre (SLC), UMS Kampus Antarabangsa Labuan (UMSKAL) yang berakhir pada Rabu lalu.

Sementara itu Ketua Pegawai Konsultan, MYLEAP Sdn Bhd, Profesor Datuk Razali Mahfar merupakan penceramah jemputan. Turut sama mengikuti pembentangan dan perbincangan ialah Pendaftar US, No'man Datuk haji Ahmad.

Razali berkata menerusi program itu, lebih ramai pemimpin dan pentadbir kanan UMS dapat diketengahkan untuk menggantikan pegawai yang bersara atau yang berpindah ke tempat lain.

Malah, katanya, ia merupakan ruang dan peluang untuk pegawai kanan mengetahui lebih mendalam pelbagai jenis ilmu pengetahuan terutama isu-isu semasa yang berlaku di dalam dan luar negara termasuk isu yang berlaku di universiti awam dan swasta.

"Pegawai kanan UMS mesti mengambil tahu apa yang berlaku di persekitaran mereka terutama isu-isu semasa yang berlaku di dalam dan luar negara. Perbincangan secara integrasi



PEMBENTANGAN Peserta membentangkan hasil kajian iLEAP.

seperti ini memberi ruang dan peluang kepada mereka bertukar-tukar idea dengan rakan-rakan yang mempunyai kemahiran dan pengetahuan dalam pelbagai bidang,"katanya.

Tambah Razali, menerusi iLEAP ini, mereka dapat berkongsi idea untuk mengurus UMS dengan lebih baik termasuk kepimpinan dan pengurusan selain bidang mereka sendiri.

Beliau berharap peserta program itu akan lebih bersedia untuk mentadbir UMS pada masa akan datang termasuk cara untuk menajana pendapatan dan mengurangkan kos per-

belanjaan sedia ada.

"UMS mempunyai barisan pemimpin dan pentadbir yang berwibawa. Saya berharap menerusi iLEAP ini, mereka akan menimba lebih banyak pelbagai jenis ilmu pengurusan dan kepimpinan,"katanya yang mempunyai pengalaman lebih 30 tahun dalam industri, syarikat global dan GLC.

Salah seorang peserta, Roslan Gimba berkata iLEAP adalah landasan kepada pegawai untuk memperkayakan diri dengan ilmu pengetahuan kepimpinan organisasi tahap

tinggi.

"Melaluinya dapat menganalisis, menimbang dan merumuskan langkah strategik meningkatkan pencapaian kepimpinan UMS di peringkat antarabangsa,"katanya yang juga Timbalan Pendaftar di Fakulti Pertanian Lestari, UMS Kampus Sandakan.

Penolong Pendaftar Kanan, Bahagian Sumber Manusia, Jabatan Pendaftar UMS, Hayati Salleh Baihaki pula berkata program ini memberikan pendedahan dan melatih peserta untuk merancang secara strategik.

Selain itu, katanya, antara elemen yang ditekankan kepada peserta adalah pemikiran kritis dan analitikal.

"Kami juga didedahkan kepada case study di peringkat antarabangsa dan dilatih untuk mengupas isu-isu semasa yang dihadapi oleh universiti secara global,"katanya.

Sementara itu, Dr Murnizam mengucapkan terima kasih kepada Pendaftar UMS, No'man Datuk Ahmad kerana memilih UMSKAL sebagai tuan rumah iLEAP Siri Ke-7.

Katanya, kehadiran pegawai kanan UMS itu membolehkan mereka melihat sendiri pembangunan kampus tersebut sejak ia mula beroperasi pada 1999.

"Kehadiran pegawai kanan UMS itu juga mampu membantu menajana ekonomi dan merencanakan industri pelancongan Wilayah Persekutuan Labuan," katanya. -Oleh JAIN-UDIN DJIMIN